

2/

62804

DISPUTATIO MEDICA
INAUGURALIS,
DE
PESTE,

QUAM
PRÆSIDE DEO TER OPT. MAX.

Ex auctoritate Magnifici D. Rectoris,
D. FLORENTII SCHUYL, Philosophiæ,
& Medicinæ Doctoris, hujusque Facultatis
in Academia Lugduno Batava
Professoris celeberrimi,

NEC NON
Amplissimi Senatus Academici consensu, & almæ
Facultatis MEDICÆ decreto,
Pro Gradu Doctoratus, summisque in Medicina Honoribus,
& Privilegiis solemniter consequendis,
Publico Examini subjicit

JOHANNES BIDLOO, ROTERODAMENSIS,
Ante diem 2. Julii, loco horisque solitis.



LUGDUNI BATAVORUM,
Ex Officina PETRI & CORNELII HACKII.
c1o 1o cLxvi.

Venerando, & Spectabili
V I R O,

D. G U L I E L M O
B I D L O O,

Avo suo, filiali amore in æternum
colendo.

62804
U T E T
Clarissimo, Doctissimo
V I R O,

D. F R A N C I S C O D E L E B O Æ,
S Y L V I O,

Doctori, & Medicinæ practicæ
Professori celeberrimo, Promo-
tori, ac Præceptori nunquam non
honorando,



IN
Perpetuum observantiæ, & grati animi
Testimonium has Theses

D. D. D.

JOHANNES BIDLOO.

DISPUTATIO MEDICA INAUGURALIS,

D E

P E S T E.

§. I.

PLures omni tempore fuerunt Pestis investigatores seduli, ut ex perspectâ ejus Natura solidam de Veneno inducerent conclusionem: nullus tamen (quod sciam) hætenus certam determinavit causam, quæ læsis in Peste functionibus explicandis sufficiat. Præterquam quod Clariss. & Expertiss. Vir Franc: de le Boë Sylvius, Præceptor noster plurimum honorandus, non ita pridem per ratiocinationes in Experientia fundatas concluderit vim Veneni Pestilentis consistere in Sale valde volatili, & acri. Quam sententiam si non probatam, at saltem probabilem judico, cum omnia in Pestiferis observabilia in eandem unanimiter conspirent causam.

§. 2. Cum verò Medica alicujus affectus consideratio, effectus considerando, commodè à posteriori instituatur, ut ex manifestioribus abstrusa, & occultè latens deducatur causa, eandem insistentibus viam, signa tam interna, quam externa præmittere suadet methodi ratio.

§. 3. Inter Interna Signa occurrit primo, Calor summè urens, qui valde molestus interiora corporis, & præcordia præsertim torquet. Si autem Pesti copuletur Febris, ad superficiem corporis plerumque magis diffunditur iste calor, ita ut externè sit observabilis. Caloris hujus comes est Sitis urgens, summa Corporis jactatio, & Inquietudo, propter quam in alterutrum latus vix possunt decumbere; Linguae ariditas: Rarius verò Lingua fatis humet, sæpius cum denso squallore nigricat.

§. 4. Secundo. Nausea continua, cum irritò sæpius vomendi conatu, qui ægros mirè debilitat; sæpius etiam evomuntur amara, foetida, &c.

§. 5. Tertio. Capitis dolor intolerabilis, qui conjunctum habet ardorem, nunc mitem, nunc graviolem, & manui applicatæ manifestum.

hinc Delirium, & Vigiliæ perseverantes; quarum loco observatur sæpius Sopor, vel Somnolentia lethalis.

§. 6. Quarto. *Summa cordis Angustia, & Anxietas inexplicabilis*, cui accedit *Leipothymia, cordis Palpitatio, Syncope, &c.* Pulsus quoad omnes differentias est *inequalis*, & aliquando *intermittens*, imò *nullus*.

Externa

§. 7. Ad externa signa referuntur *Bubones*, sive tumores glandularum *conglobatarum*, præsertim in Collo, Inguine, sub axillis, & post aures sitarum. quæ loca à Veteribus malè *Emunctoria* fuerunt appellata.

§. 8. *Anthraces*, sive *Carbunculi*; qui frequentius pustularum formâ prodeunt in facie, pectore, collo, & femore; ratione coloris, *albæ, rubræ, nigræ, &c.* propter acrimoniam valde *serpentes*.

§. 9. *Macula diversæ magnitudinis, & coloris*; aliæ *parvæ*, aliæ *maiores* Pisi magnitudinem æquant, aliæ *rubicundæ* pulicum morsus, aliæ *nigricantes* Piperis granum imitantur, unde *Pepercoorn* Belgis indigitantur. *Maculæ* autem prædictæ tam apparent homine vivente, quam mortuo.

§. 10. Quamvis autem *Pestis* signo destituatur pathognomonico, ex enarratis signis rectè tamen cognoscitur ejus *præsentia*; cum *Naturam Pestis* absolvant plurima gravissima symptomata *Naturalis præsertim Facultatis*, à *sale volatili, & acri producta*. Quæ cum in eodem subjecto rarius simul appareant, considerandum an plures eadem *Lue* sint infecti: quò non parum facit *subitanea illa Virium vitalium prostratio*, utpotè non minimum diræ *malignitatis* indicium.

§. 11. Observantur præterea quædam signa *secundaria*, quæ *acrimoniam, copiamque veneni* manifestant, & ad *Prognosin* formandam multum conferunt. Inter quæ 1°. est *Alvi fluxus, foetens, sanguineus, æruginosus, &c.* In aliis est *Alvus adstricta*. 2°. *Urina*, quæ interdum *crassa & foetida*, sæpius sanorum lotio *simillima* est. 3°. *Sudores copiosi, pauci*, imo per artem interdum *nulli* propelli possunt. 4°. *Hæmorrhagiæ Narium*, in foeminis quoque *Uteri*: sanguis autem excretus, quod præcipuè notandum, plerumque non *concrescit*, sed manet *fluidus*. 5°. *Dolor atrox* in regione *lumbari*; ubi *intestinum tenue Mesenterio substratum plurimorum malorum* est focus. 6°. In ipso ore apparent *Aphthæ, flavæ, albæ, nigræ, &c.* quæ novissimæ nostræ *Pesti* admodum erant familiares.

§. 12. *Functiones* commodè dividuntur in *Naturales*, à *Corde*, ejusque

ejusque Effervescentia præsertim; & *Animales*, à *Cerebro* primariò pendent: quarum illæ ad vitam simpliciter; hæ ad beatiorē necessariæ sunt. Cum autem Pestis vitam homini adimat, patet Naturales præcipuè lædi, in quibus explicandis præcipuè versabitur nostra dissertatio exordium sumendo ab ipso Ore.

§. 13. *Sitim à sale*, omnibusque eò conditis augeri, nullus ignorat: hinc plures potus copiosioris assumendi gratiâ salitis videas abuti. Idem præstant quæ salem in Bile existentem reddunt acriorem, ut Ira, æstus, tum externus, tum internus, &c. Imo *sitis* in affectibus à Bile *Acrimonia*, vel simul *Oleositate* peccante productis frequentissimum est symptoma. Qui effectus si *sali Muriatico* possit adscribi, in quo etiam reperitur *succus acidus*, non minus commodè à *volat: sale* deducitur. *Crusta* autem nigra, & crassa Linguam investiens ortum habet à *salivâ* veneno Pestilenti infectâ, & in os delatâ; quæ propter linguæ *siccitatem*, & suam *visciditatem* (qualis in sitientibus observatur) facilius ibi hæret, & per assurgentes ex ventriculo halitus magis conglutinatur.

§. 14. *Aphthæ*, si ex vulgari sententiâ agnoscant halitus *acres salinos*, in nostrum quoque collineant scopum; sed cum contraria nobis arrideat sententia, quid hic indicent, investigabimus. Halitus istos assurgere ex ventriculo, & *Effervescentia intestinali*, patet; quia *Aphthæ* rarius pustularum formâ, prodeunt, sed postquam oris tunica ab aliquo acri externè fuerit excoriata, exulcerataque. *Acre* illud esse *Acidum* his præcipuè constat argumentis. 1°. Tales ægri plerumque spirant acidum. 2°. Infantes non rarò Aphthis laborant, dum tormina ventris; vomitus lactis coagulati; dejectiones æruginosæ, &c. sufficienter probant acidum in iis peccare. 3°. In Lue venerea Aphthæ sunt frequentes. Imo 4°. Ipsa saliva gustu valde acris & acida interdum os excoriare, & simile malum producere valet. Hinc Aphthæ nostris Regionibus sunt magis familiares, quia aëris constitutio promovet acidi generationem. Nec mirum quis ducat in Peste simul peccare acidum, cum ab eo tantum pendeant Lancinationes in pestiferis; & in aliis Periodica febris ardentis exacerbatio: in quâ aphthæ oriuntur, quatenus acidum per se minùs volatile, per vehementiorem cum Bile effervescentiam, faciliùs assurgit. *Aphthæ* autem secundariò probant nostram sententiam, quia bonum plerumque præbent signum, & spem Eventus felicioris, quatenus per acidum in

*Causæ
Sitis*

Crusta in

Aphtharum

corpore auctum *concentratur* & *figitur* sal volatile & acre.

naus. de.

§. 15. *Nauseam* generant *halitus* ex vitiosa in tenui intestino effervescentiâ adscendentes, Ventriculumque vellicantes, quibus materiam suppeditare solet *Bilis*, ratione *volatilis salis* facile affurgens. Irritus sæpe est vomendi conatus *Nauseæ* conjunctus, quia humores sunt viscidiores vel ventriculus vacuus, unde summa oritur *Anxietas*, quæ cessat vomitu subsequente.

Vomitus

§. 16. *Vomitus* eandem cum *Nausea*, sed graviolem arguit causam, cum omnem vomitum præcedat *Nausea*. *Halitus biliosos* & ipsam *Bilem* hujus molestiæ causam fuisse testatur subsequens amarorum & acrium evacuatio. Ipsa enim *Bilis* si aliquanto *Pinguior*, & *volatilior* fiat, apta est, ut *Nauseam Vomitumque* producat cum per analysin Chymicam discamus præter *copiosum salem lixivum, oleum, & spiritum volatilem*, ejus constitutionem naturalem quoque ingredi *multum salis volatilis*, ad affusionem spiritus acidi vehementer effervescentis. Hinc biliosi in vomitum proclives sunt, eo tempore, quo *Bilem* abundare apud omnes in confesso est. Rem nostram declarat Chymia, quæ vomitoria. e. g. ex Antimonio parata, per ulteriorem *volatilis fixationem* reddit per *alvum Purgantia*, amplius figendo, *Sudorifera*, & tandem *Roborantia*. Vomitus autem in peste sunt vehementiores, quia sal est summe volatile & acre. Non raro tamen vomitum lethalem producit *Carbunculus*, ventriculi tunicas mortificans, erodensque.

alvi fluxus

§. 17. *Alvi fluxus*, plerumque lethalis, agnoscit humorem acrem, intestina ad sui contractionem mordicantem: qui cum duplex sit, nunquam ab *Acido* pendet primario, uti constat ex purgantibus ante febrilem paroxysmum assumtis, nullamque sæpius moventibus dejectionem ob occurrentem succum ex pancreate acidiorum. à *Bile acriore* alvum solvi, manifestat conjuncta *Sitis*, & oris *Amaritudo*; confirmant idem *flatus* in purgatione (nisi carminante discutiantur simul assumto) valde molesti, qui *Bilem* pro efficiente habent causam. Imo plures alvum naturaliter adstrictiorem continuato usu *salis vol: & oleosi*, magnam cum *Bile* habentis analogiam, servant satis laxam. *sal volat. alvum* solvere constare videtur ex Vomitoriis, quæ non raro & sursum, & deorsum simul evacuant, vel tantum copiosam movent dejectionem. Nec mirum quis ducat in aliis *Alvum esse adstrictam*, uti in biliosis affectibus sæpius accidit, cum propter *Pi-*
tuitam

tuitam aliudve *impedimentum* impediri possit vis veneni.

§. 18. *Anxietas* circa præcordia, & superius ventriculi orificium, magnam habet cum *Animi Deliquio* affinitatem, ita ut graviolem leviolemve, quemadmodum *Syncope* gravissimam, indicet causam, *Flatus* nempe viscidos, *Humores*, *Halitus*ve acres. Nullam tamen esse *Anxietatem*, quin *Cor* simul afficiatur, demonstrat pulsus mire mutatus. *Tenue intestinum* hujus mali focus videtur, ob conjunctam plerumque *Nauseam*, *Vomitumque*, & confluentes eò humores, *Bilem*, *Succum Pancreaticum*, & *Pituitam*, flatibus, halitibusque generandis peridoneos. Cui opinioni insignem confirmationem addunt sectiones à Cl: Sylvio sæpius institutæ, dum ipsis oculis pateret præteritæ *Anxietatis* causa. Quis enim non est expertus inexplicabiles illas *Anxietates*, quas *Vomitoria*, & purgantia producant, dum in humores agentia, eos satis commode nequeunt exturbare: quas ab halitibus, flatibusque ortum habuisse indicat frequens cum summo levamine instituta *Ructatio*. à *veneno* in corpus assumpto observantur quoque difficiles oriri *Anxietates*, præsertim si sit valde volatile & acre, quale est *Arsenicum*. Cui tamen male adscribitur vis *Veneni pestilentis*, cum *Arsenici* acrimonia sit *acida*, ut ex summis torminibus cæterisque constare potest symptomatibus. Primaria autem *Anxietatis* causa in pestiferis quærenda in vitiatâ utrâque *Effervescentia*, cum etiam tam mirus sit totius corporis cum corde consensus, ut ad minimam ejus noxam collabascant partes singulæ, ut constat exemplo canis Thes. 26. allato. *Anxietatem* sæpius auget animi *Affectus gravis*, quatenus ob intimam unionem illorum duorum, quæ hominem faciunt, vix consternetur *Mens*, quin simul turbetur vitalis in corde *Effervescentia*. *Omnis enim Anxietas certissimum est vitiatæ Effervescentiæ signum*. Utroque nomine peccat *Venenum Pestilens*: nam *Sal volatile & acre* male *effervescenti* halitus producit copiosos (vide Thes. 28.) & ob vitæ periculum *Animum* turbat.

§. 19. *Pulsus* fit, quoties sanguis in corde rarefactus, & in arterias propulsus, eas distendit, sublequente earum contractione. Ergo pro varia *Rarefactione* sanguinis, & cordis *Contractione* varius observabitur pulsus. *Rarefactio* hæc dependet à sanguine laudabili & *Cordis Igne* satis valido; ut enim quid rarefieri possit, requirit densitatem sufficientem, quæ ad ingressum ignis (cujus proprium est rarefacere) mire divulsa in molem expandatur majorem. Causa præcipua mutati
in

in peste pulsus petenda ex nimia sanguinis *Fluiditate* (consule Th. 26.) ob quam ineptus est ad rarefactionem. Quemadmodum enim magis *Lac*, quod densius est, minus vero *Aqua*; ita quoque sanguis *fluidior* minus sustinet vim ignis: unde non debite rarefactus, Arterias minus distendendo *pulsus minorem* reddit. Si vero propter copiam veneni sanguis tam fluidus & attenuatus sit, (inter *attenuatum* & *rarefactum* velim distinguas) ut non sustineat rarefactionem, suffocatur ignis vitalis, & pulsus fit, revera *nullus*. Quale quid accidere puto, quoties Sani alioquin, ob admissum intus venenum repentinâ morte concidunt. Ex corrupto sanguine non laudabiles in cerebro secernentur spiritus animales, qui musculosum cordis parenchyma contrahant, unde *debilis* observabitur pulsus. Si vero, simul sit acrior, cor vellicando citius ad sui contractionem coget, unde pulsus *frequentior*. *Inaqualitas* vero dependet à diverso sanguine ad Cor delato, magis *consistenti*, vel *fluido*; non enim omnis statim corrumpitur à veneno sanguis, quod indicat pulsus, sæpius quid boni suâ promittens magnitudine, qui extemplò mutatus, mortem intulit subitanæ. Ita ut pulsui in peste minime sit fidendum.

§. 20. *Palpitatio* est convulsivus cordis motus, dum à *flatibus*, *halitibus*ve ad sui inordinatam contractionem irritatur. *Flatus* illud præstant, quatenus in ventriculis hærentes minus spatii relinquunt sanguini effervescenti, ita ut à levi Rarefactione cor mire distensum, iteratâ contractione cogatur expellere, quod alias unâ vice prorumperet solebat. Idem non tantum confirmant *Generatio*, & *Solutio* hujus mali, sed imprimis sectio viri cujusdam Clar. palpitatione molestâ oppressi exhibuit inter alia magni momenti *Cor flatibus* ita distensum, ut præ magnitudine bubulo non cederet.

§. 21. Ab ipso sanguine in Renibus secernitur *Urina*, quæ cum in sanis multum variet, quid mirum si in pestiferis sit diversa, *tenuis*, *crassa*, *foetens*, &c. Ejus constitutio dependere videtur à mutatione sanguinis in corde, dum sanguis à veneno ita confunditur, ut in Renibus, nunc turbatum, modo clarum secernatur lotium. Si autem minima sanguinis pars fuerit corrupta, secerni poterit serum naturali plane simile, quod in morbi initio sæpius notatur.

§. 22. *Sudoris* naturam explicatu difficilem illustrant ejus causæ manifestæ, quarum pleræque effectum sortiri videntur, quatenus sanguis per blandam Effervescentiam magis rarefactus (hinc pulsus
in

in principio sudoris major est) tam laxè cohæret, ut Serum falsedine quâdam permixtum subsequente Calore per corporis poros possit evacuari. In Peste aliquando *Nullus*, nec sponte, nec Arte prodit *Sudor*, quod *pestimum est Signum*, denotat enim Veneni Acrimoniam. *Sudor nullus est naturalis*, unde patet sanguinis massam laxius unitam esse, dum *Sudor* prorumpit. Cum enim in statu naturali nunquam sequatur sudor, licet sanguis tam laxè cohæreat, ut quidlibet ab ipso secernatur (in Glandulis nempe *Acidum*, in Bilis folliculo *Salsum*, in Cerebro *Spiritus Volatilis*) ratione sanguinis nunquam prodibit sudor, quoties ejus *Unio major* est. Ex Chymia vero notum est, eò arctius *Acidum Salso uniri*, quo sunt puriora. Si enim *Sal volatilis*, & *acer* in Corde Effervescat cum *Acido puriore*, arctius propter *Puritatem* unientur, & magis in se invicem agendo, minus mutabunt ipsum sanguinem, ut secerni ab eo possit per poros cum sero ipsum Venenum. Hinc Salia Volatilia Oleosa commode movent sudores, quia maximè temperata sunt, & ratione Olei calorem in corpore augent. Imo ipsa *Acida*, quæ sudorem aliàs sistunt, si temperatiora sint, & de *Spiritu Volatili* participant, non rarè movent sudores.

§. 23. Hinc patet Ratio, cur rarius evadant, qui de Peste nimis solliciti Veneno corripiuntur. Cum enim in omni Terrore, & anxia Sollicitudine *Acidum* augeri, & acrius fieri per Experientiam constat, *Sal istud noxium* cum *Acido acriore* magis concentrabitur, ut neutiquam extra Corpus possit propelli. Qualem Concentrationem experiri licet in Tartari lixivio, & Vitrioli Oleo rectificato, postquam per Effervescentiam abierunt in *Salem Tartari Vitriolatum*, in quo tanta est *Acidi & Salsi unio*, ut nullâ arte hæctenus fuerint separabilia. Hinc in iis Ægris frequenter *nullus* prodit *Sudor*.

§. 24. *Mediocris* vel *copiosus* sudor plerumque melius jubet sperare. Interdum quoque prorumpit sudor *fætidus* ratione sanguinis corrupti, halitusque putridos propellentis, quales in Putredine, quæ à sale volatili maxime promovetur, solent assurgere.

§. 25. Consideranda quoque nimia sanguinis *Fluiditas*; qui per varias Hæmorrhagias non tantum, sed per V. S. imprudenter ferè semper in quibusvis Pestiferis institutam, aliòve modo effusus ut plurimum manet *Fluidus*, & *concreescere* nequit.

§. 26. Sanguis laudabilis varias continet partes, *Acidas*, *Salinas*, *Terreas*, *Spirituosas*, *Oleosas*, &c. quæ per Effervescentiam, & in-

ternam sui agitationem, ita sibi invicem permiscetur, ut *Homogeneam* videantur constituere Massam, levi consistentiâ, qualis in Lacte quoque observabilis, præditam. hic per V. S. eductus, & sibi relictus spontè in duplicem secedit partem, *Crassio rem* & *Tenuiorem* Seri nomine notam: quod citius solet contingere, si aliquid Acidi affundatur. Concretionis hujus Causa non tantum est Sublatio interni particularum motus, quo cessante crassiora quidem præcipitari possent, sed *Acidum* in sanguine existens, quod per Spirituosas & Volatiles Partes prius temperatum, iis in auras abeuntibus, *Acrius* redditur, & exerit suam vim in coagulando. Hinc promovet Coagulationem *Calor externus*, quatenus volatilibus parat exitum faciliorem. Coagulabilitas in sanguine dependet à duplici Acido, *Lympha*, & *Succo Pancreatico*, blandam in statu naturali habentibus *Aciditatem*. Quod non tantum mihi persuadet sanguis magis consistens observatus in ægris, in quibus acidum peccasse certò constabat, sed etiam sequens *Experimentum*. Si enim liquorem Acidum, Ex. [Gr. Acetum destillatum, Vitrioli, Nitrici Spiritum, paucâ aquâ dilutum, per Syringam infundas in viventis Canis venam majorem, non tantum observabis, ubi ad Cor venit iste Liquor, eum subito omni cessante motu exspirare animam; sed etiam sanguinem reperies mirè *Coagulatum*. Contrà verò, nihil Coagulabilitatem magis tollit, quam *Sal volatile*, quod aptum natum est Acidum *infringere*, & sanguinem *Attenuare*; imo jam coagulatum *dissolvere*. Constabit Veritas, si loco Acidi *Salem* quemcunque *volatilem*, vel Urinæ, vel Salis Armeniaci, &c. eodem modo infundas in alterius Canis venam, unde non tantum *Fluidiorem*, sed non coagulabilem postea animadvertes sanguinem. Ita ut ex sanguinis Fluiditate sufficiens peti possit Argumentum ad probationem *Salis Volatilis & acris* in Peste peccantis: quale quid ab *Arsenico* demonstrent simili Exemplo produci posse Veneni Arsenicalis propugnatores.

§. 27. Si ergo sanguis sit *Fluidior*, & forsan *Acrior*, quid mirum si capillaria vasa erodat, & copiosius effluat per vias, quæ sæpius aperiuntur, quales sunt circa *Nares*, & *Anum*, foeminis quoque circa *Uterum*.

§. 28. Explicatis læsis functionibus *Naturalibus*, sese inter *Animales* offert *Sensus Caloris summè urentis* in Regione Lumbari, & Præcordiis præsertim molesti. Omnis Calor in corpore excitari præcipuè

præcipuè solet in *Intestino tenui*, & *Corde*, per Effervescentiam in utroque loco contingentem. Calor iste ex confluxu Bilis, & Succi Acidi, est vel *Blandus*, & minor, vel *Acrior* & interdum major, prout Bilis peccat *Acrimoniâ Salina*, vel simul *Oleositate* inflammabili. Ignis ex *Cordis* Effervescentia prorumpens, se in Oleosas partes sanguinis insinuat, totamque massam (si ad Rarefactionem disposita est) rarefacit, & in eâ, tamquam fomite sustentatus toti Corpori communicatur. Ille autem, qui in *Intestino* prodit, tali sustentaculo destitutus, non rarò eo in loco tantum sentitur, & *Lumbarem Regionem* excruciat. Dum ergo *Sal volatile* & *acre* cum Bile defertur ad *Intestinum* vitiose Effervescendo calorem producit summè *Urentem*, in *Præcordiis* præsertim molestum, quia veneni acrimonia minus in *Intestino*, quam *Corde* temperata acrius Effervescit. Halitus autem assurgentes ad superius Ventriculi orificium, quod in *Præcordiis* situm, & valdè sensibile est, *Cardialgiam*, & *Anxietatem* inducent. In corde vero prorumpet quidem *Ignis acrior*, sed calor ad exteriora non tam diffundetur, quam fieri solet, quoties propter naturalem *Consistentiam*, vel *Bilem pinguiorem*, sanguis ad sustentandum Ignem est aptior. *Halitus*, qui in *Corde* generantur, ad *Pulmones* delati, *Respirationem* reddendo aliquantò frequentiore, *Anxietatem* augebunt, cui sæpius conjungitur *Æstus* intus præsertim molestus.

§. 29. Calorem istum diximus externè magis observabilem, si Pestem comitetur *Febris*, quod ex præjudicio semper fieri plures malè asserunt, cum in iis, quos Pestisprehendit, non semperprehendatur Pathognomonicum febris signum, *Pulsus* nempe præter Naturam frequentior. Si ergo ista febris multum pendeat à prævia Corporis Dispositione, quæ consistit in Bilis *Acrimoniâ Salinâ*, vel simul *Oleositate*, calor erit major ratione Bilis à veneno vitiatæ ut febrem producat. Hinc febris sæpius *Mitis*, *Lenta*, per se non periculosa adest, qualis nunquam expectari posset à veneno acerrimo. Si enim Peste corripiatur, qui ob *Pituitam*, & *Succum acidum* in corpore copiosiore, *Melancholicus* audit, longè minorem sentiet æstum, quam *Biliosus* experiretur à simili Veneno: Ita ut summæ utilitatis sit in quovis morbo considerare præviam corporis Constitutionem.

§. 30. *Halitus* qui ex interioribus assurgunt ad *Caput*, quo magnæ & amplæ patent viæ, intolerabilem gignent *Dolorem*, quia plera-

que vasa in Cerebro per membranas decurrunt : hinc quam frequenter *Delirium* succedat notissimum est. Si verò ad alias quoque deferantur corporis partes, magnam parient molestiam, eo præsertim in loco, quo per carnis poros ex Arteriis in Venas transit sanguis : hinc *Terrores* in somno, varia corporis *Factatio*, & *Morositas* dolore vexatis satis familiaris. Si verò magis afficiant *Partes Nervosas*, & Motui inservientes, oriuntur *Tremores* & *Convulsivi motus*; quorum exacta Explicatio excederet instituti nostri rationem.

§. 31. Circa *Somnum*, & *Vigilias* tamquam contrarios effectus major apparet difficultas. Plures namque Peste correpti observantur perpetuò *Vigilare*, tam ob serias de instante Morte *Cogitationes*, quam *Dolores* capitis præsertim urgentes. Contrà vero, plures videas *Somnolentos*, vel *Sopore* torpidos, cujus ratio ex Emulsionibus, Opiatis, aliisque Narcoticis, investiganda. *Opium* esse amarum, pingue, & graveolens Sensus testimonio experimur, quibus sublati, vis ejus perit. Si enim aliquantò diutiùs super ignem torreatur, tandem iners fit ad somnum inducendum : adde quod per debitam tostionem noxiâ ejus *Narcosi* sublatâ correctum dicatur. Unde concludo cum fumo illo noxiò aliquid in auras abire, quod ob suam Volatilitatem leni igne affurgit. Illud esse *Sal volatile oleosum* mihi persuadeo, quia in omni *Pinguedine* Animalium, quæ respondet Metallorum *Sulphuri*, & Plantarum *Oleo*, reperitur ejusmodi Sal abundare. Ita ut *Opii* vis non malè in parte Volatili sulphurea, videatur constituenda. In *Pinguedine* quoque consistit Emulsionum efficacia, utpote ex seminibus paratarum, quibus multum ejusmodi Salis inesse testatur eorum *Oleum*, flatibus discutiendis, ut omnia salia volatilia, aptissimum. Accedit, quod *Spiritus Vini* (cujus *Oleum* per artem plane separari potest) deprehendatur eò citius Ebrietatem, & *Soporem* inducere, quo magis est oleosus.

§. 32. Ergò *Sal volatile*, & acre *Somnolentiam* inducere valet, quatenus multos in caput affurgere facit halitus minus acres ; hinc *Somnolenti* magis *Vertiginosi* sunt, & minus capite dolent; *Soporem* vero, quoties Bili pinguiori jungitur, & naturam assumit Narcotici. Hinc in febribus Ardentibus non rarò observatur *Sopor* profundus. Imo ipsa *Salia Volatilia Oleosa*, per Artem parata, blandè corpus ad *Somnum* disponunt.

§. 33. Sub *Externis* signis recensentur *Bubones*, qui vel non *Maligni* sunt,

sunt, vel *Maligni*, ad quos referuntur *Pestilentes*. In genere oriri videtur Bubo, quoties vel *solus Humor vitiosus*, vel simul *Sanguis* stagnans Glandulas conglobatas distendit. Humorem præter sanguinem hoc præstare posse concludo. 1°. quia in Cerebro Plexus Choroëidis Glandulas, vix alioquin observabiles, post mortem sæpius viderim *humore Aqueo, Acido-salfo*, turgidas. 2°. Quia aliquis Bubo satis diu perseverans tandem sine Suppuratione potest dissipari, quod impossibile esset, si glandulæ inflammatae fuissent. Primaria autem ratio hujus tumoris petenda ex ipsis Glandulis à frigore externo male affectis, uti in Gravedine. Si verò sanguinem in Glandulis stagnasse manifestet subsequens Suppuratio soli sanguini propria, ille eo influxit tum sui ipsius, tum glandularum culpa. Vitium illud sanguinis consistere puto in *Arctiore unione Acidi succi*, qui naturaliter in illis Glandulis secernitur, cum *Salfo*, in Bile Serove, &c. existente: unde non purus, sed *Acido-Salsus* secernetur in glandulis liquor, qui pro diversitate Salis excitabit dolorem mitiorem, vel magis acrem, & urentem. Hinc Bubo in initio cum Erysipelate tantam habet affinitatem, ut Sennertus notaverit tempore Pestilentiali natam Pestis *Suspicionem ex indicis Bubonis in Inguine, & pravis quibusdam symptomatibus* plane sublatam esse, postquam sese amplius manifestaret in eâ parte Erysipelas. Imo ex Praxi norat Felix ille Practicus *Platerus* propter Erysipelas alicujus partis glandulas vicinas Bubone affectas. Quisquis enim examinaverit causas manifestas Erysipelatis, & Bubonis, tales reperiet, quæ humores possint reddere acriores, & promovere *Acidi, & Salsi Unionem*.

§. 34. Ergo *Sal volatilis & acer* occurrens in corpore Lymphæ acidæ, quantum per utriusque Puritatem licet, arctè cum eâ concentrabitur, ut in Glandulas facile penetret, & acres excitet dolores, ardoresque, quibus succedere solet Bubo. Vitiosus autem ille succus, per Glandularum poros à sanguine secernendus, videtur tum eorum *Dispositionem* ita mutare, ut alienæ materiæ, tum suâ *Acrimonia* corrodere vasa sanguinea glandulis adfita, vel inserta, ut ipsi sanguini pateat aditus. Nam si illud Acre, quod cum aliquali tumore summos aliquamdiu peperit cruciatus in Inguine, sub Axillis, &c. per sudores propellatur, tempereturve, Bubonis exortus non rarò solet præcaveri. Ratio autem, ob quam Glandulæ *Conglobatae* magis afficiuntur, quam *Conglomeratae*, videtur, quod Conglobatae sint sub-

quæ per plures menses, ipsamque hyemem, quæ mitior fuerat, dirè grassata, planè desiit circa medium Februarii oborto brevi, sed acuto frigore. Quid vero *peculiare* accidat, ut ex Putredine assurgat Sal volatile Pestilens cum explicatu difficile sit, satius erit admirari summam Dei Potentiam, quam quævis anxie perscrutari. De Acrimoniâ tamen notari velim, per Ignem quævis fieri acriora; sic Sal Tartari, quod per Vini Spiritum temperatur, & Volatilifatur, per iteratam Destillationem iterum fit acrius. Ita ut rectè putem concludi per *Putredinis* modum generari naturalitèr *Venenum Pestilens*: cujus Volatilitatis non leve argumentum est, quod non tantum per immediatum Pestiferi cum Sano contactum suum virus communicet, sed per ipsum volitans Aërem frequentius infectet Regiones longè diffitas.

§. 40. Eo autem tempore, quo Pestis grassatur, vel ejus metus est, corporis *Præservatio* petenda ex moderato præsertim acidiusculorum usu. Conducit Elixyr Proprietatis, quod egregiè Bilem acriorem temperat, copiosioreque expurgat blandè quia Crocus, Myrrha, Aloë, & præsertim acidus, vel Sulphuris, vel Vitrioli spiritus, ejus compositionem ingrediuntur. Omnia *Acida temperata* commodè usurpantur, ut ipsum Vini Acetum, quod quantitate cochlearis mediocris singulis matutinis assumptum plurimum præstitisse certò constat. Quibus usus Aceti nocet, conveniunt Vinum Rhenanum, Cerevisia vetus subacida, spiritus acidi Salis, Nitri, &c. per Spiritum Vini dulces facti. Huc pertinet succus Berberorum, Ribesiorum, vel purus, vel cum Saccharo in Syrupum redactus. Aquas Theriacales acriores rectius negligi puto, quia post earum usum plerosque Peste correptos ad mortem furibundos delirasse sæpius est observatum. Servetur interim animus tranquillus, & ad quævis fortiter ferenda paratissimus.

§. 41. Si autem nihilominus corpus diro inficiatur Contagio, Dogmatica institui debet *Cura*. Attendendum ergo 1°. ad ipsum Venenum, quod exturbari debet. 2°. ad Corpus malè affectum. Venenum vario modo nostrum invadit corpus, vel 1°. Cum *Aëre* subit pulmones, & sanguini admiscetur, per eorum parenchyma è dextro ad sinistrum cordis ventriculum fluenti. Vel 2°. per *Cutis poros* penetrat. Vel 3°. cum *ipsa saliva*, & alimentis in ventriculum deglutitur. A Sudoriferis ergo, & Vomitoriis præcipue videtur expectanda Veneni expulsio.

§. 42. *Sudorifera* in Peste promiscuè conducunt, quia Venenum per corporis poros expellunt, quò sponte vergit: inter ea præferenda sunt, quæ *Sale volatili*, *blando*, & *oleoso* abundant, quæ egregiam quoque obtinent vim acrimoniam temperandi. Inter simplicia conveniunt, quæ passim Alexipharmacorum titulo continentur. Qualia sunt ex *Vegetabilibus*, Rad. Zedoariæ, Tormentillæ, Petasitidis, &c. Fol. Scordii, Card. Bened. Acetosæ, Absinth. &c. Salia fixa, ex eorum cineribus elixa. Ex *Mineralibus*, Terra sigill. Lemnia, Bolus Armena, quæ, ratione Olei, & spiritus acidi in iis existentis, participant de natura *Sulphuris Anodynæ*: Ex *Animalibus*, Ungula Alcis, C.C., Lapis Bezoar, Porcinus, ob caliditatem majorem minori dosi, aliisque admixtus usurpandus. Ex his simplicibus plurima formantur *composita*, inter quæ omni tempore usitatissima fuit Theriaca, Mithridatium, Diascord. &c. Imo minimè negligendum ipsum Laud. Opiat., à quo primariam vim nacta sunt laudata composita, quia opium sudores movet, & quodlibet acre egregiè temperat. Huc pertinent Aquæ Theriac. & Prophylacticæ, cum aceto, loco spiritus Vini præparatæ. Palmam tamen omnibus præripiunt, quæ ex Antimonio arte parantur sudorifera, ut Antim. Diaphor. Bezoard. Minerale, &c. quod propter admixtum acidum hic valde conducit.

§. 43. In usu sudoriferorum notandum, ea commodius minori dosi usurpari: sumat æger Ex. Gr. alicujus mixturæ unum atque alterum cochleare, & modicè stragulis tectus, non oppressus, sudorem expectet, quo non subsequente, postea iterum aliquid assumat, donec sudor prodeat; quem valde promovent Juscula calida.

§. 44. *Vomitória* planè rejicere nimis temerarium videtur, cum commodè sæpius exhiberi possint statim in initiò, apparente Nauseâ, & viribus satis integris. Ad Vomitus tutissimè præscribuntur *Antimonialia* (in quibus laudabile quid est, quod ferè agant pro corporis, & humorum constitutione) qualia sunt, Crocus metallorum, Vitrum, & ex eo parata Sapa vomitiva; Regulus tutius omittitur quia corpus magis turbat. Imo non tantum Ratione, sed Experimentiâ constat multiplici, Vomitoria sudoriferis juncta magnum quid præstitisse in affectibus desperatis. Non enim contrarius est motus, cum à Corde, tanquam Centro, ad omnes partes, quæ veniunt nomine *Circumferentiæ*, propellantur humores. Eo fine usurpari potest Antim. Diaphor.

Diaphor. minus fixatum, quod (propter rationem Thef. 16. datam) parvâ dosi levem movebit Vomitus, si humores eò vergant. Similiter cum Aq. Theriacali, Ocul. Cancr. Antim. Diaph. aliisque commode misceri potest aliquid Vitri Antim. vel Croci Metall. à quibus Vomitus, & Sudores simul moveri novum non erit observare. Circumspectè tamen & parcius Vomitoria sunt exhibenda, quia vehementius evacuant corpus, & grave aliquod symptoma, imò ipsa Mors acutissimum hunc sæpius inopinatè sequens morbum medicamento malè adscribitur; quam culpam evitare apud imperitos non semper potest Medicus prudentissimus. Veneni *Acrinoniam* temperant, & *Volatilitatem* figunt, eadem, quæ Bilem vitiatam corrigunt.

§. 45. Respiciendum *secundo* ad corpus malè affectum, quò refero 1°. Bilem volatiliorem. 2°. Acidum fractum. 3°. Functiones læsas Naturales. 4°. Animales. 5°. Symptomata externa.

§. 46. *Venenum Pestilens* Bili sese facile admiscet, eamque reddit volatiliorem, & acrem: quæ noxa, si non emendetur per *sudorifera*, requirit *figentia*, & *Temperantia*. Quæ debitam præstant fixationem in Vegetabilium classe pauca reperias, quæ nota hæctenus fuerint. Aliquid tamen efficiunt, quæ Spiritum volatilem, Oleum & Acidum in se continent, ut Baccæ Lauri, Juniperi, &c. Imò ipsum Opium, propter amarorem, & pinguedinem suam multum in hoc casu conducit. In Mineralium classe excellit ipsum Nitrum, quod summam habet vim figendi. Sola enim calcinatione per Nitrum plurima figi ex Chymia notissimum est, ut Antimonium, imò ipsum Arsenicum, & Auri pigmentum. Nec minoris efficacix est Spiritus acidus, ex Nitro per vehementiorem ignem paratus, qui præ omnibus spiritibus acidis, Salis, Vitrioli, &c. figit; quam vim à sulphure in eo latente procedere persuadet mihi ejus *Fætor* in nullo spiritu acido ita notabilis. Hinc plures ignoratâ verâ causâ, in febribus ardentibus, malignis, & ipsa Peste cum summo successu utuntur Nitro depurato, Lapide prunellæ, Nitrique spiritu, &c. quia observant anxietates, & æstum minui, bilemque temperari. Inter omnia laudant Chymici *Sulphura mineralia arte fixata*, admirandarum virium in figendo & temperando, quale sulphur ex Antimonio parandum describit Hartmannus in sua praxi Chymiatrica. Sed cum hæc altioris sint indaginis, jam laudatis nostræ indicationi poterit satis fieri.

§. 47. Se-

§. 47. *Secundo. Acidus Succus fractus*, restituitur enarratis acidis spiritibus, Nitri, Salis, Sulphuris, per spiritum vini temperatis. Conducunt *Planta acidiuscula*, ut Plantago, Acetosa, Semper vivum majus, &c. *Fructus similes*, ut Mala Punica, Granata, Auriaca, Berberi, Ribesia, eorumque Succo, & Omphacium, in quibus blanda est austeritas, restituendæ sanguinis consistentiæ aptissima. Pro potu convenit Lac Ebutyratum, & serum Lactis acidiusculum.

§. 48. *Tertio. Functiones Naturales læsæ* expulso veneno, & emendatis humoribus solent restitui; si vero valde urgent, specialem requirunt curam.

1°. *Sitim auctam* curant, & linguæ siccitatem minuunt, quæ Salem acrem *Diluere*, *Enervare*, & *Temperare* possunt, ut *Aquea*, *Acida*, *Oleosa*, vel *seorsim* vel quâvis formâ conveniente simul usurpata. Plurimum conducit *Nitrum depuratum* in Ore retentum, vel in potu ordinario dissolutum, quod æstum internum simul minuit. Gratissimæ parari possunt ex Succo Citri, Berberorum, &c. cum saccharo tabellæ, quæ linguam demulcent.

2°. *Aphthas* auferunt medic. *abstergentia*, & *Acrimoniam lenientia*. Conducunt Gargarismata ex Aq. vel decocto Plantag. Ligustri, Solani, Portulacæ, Prunellæ, addito Lapide prunellæ. Ex Hordeo, Amygdalis, &c. conficiuntur Emulsiones, quæ linguam & fauces leniunt, & humores acres in corpore temperant. Usurpantur Linctus ex syrupis, Jujub. Violac. Portulac: conducit Folium Semperv. Majoris exteriore tunicâ denudatum, & linguæ impositum.

3°. *Nauseam*, & *vomitum* tollunt laudata Acida, additis Spirituosis, Opiatis, & lenitè adstringentibus. Cochleatim usurpari possunt mixturæ ex Aq. Menthæ, Plantag. Portulacæ; Tinct. Cinamo. Mithrid. Diascord. Laud. opiat. & Syr. Myrtini, Granator. vel de Succo Citri. Si liquida minus retineantur, præstant condita, ex Conserv. Ros. Rubrar. Carne Cydonior. Menthæ, Terra sigillat. & Opiatis Antidotis.

4°. *Alvi fluxus*, plerumque lethalis, sistendus adstringentibus, qualia sunt Terræ pingues, ut Bolus armena, Terra sigill. Lemnia, Cortices Granat. Corall. &c. Confect. Hyacinth. Opium, Diascord. &c. Si vero *Alvus sit adstricta*, à Purgantibus sedulo cavendum, sed summâ urgente necessitate solo Suppositorio ad levem dejectionem est sollicitanda.

5°. *Anxietati*, & conſequenti *Leipothymia* medentur *flatus*, *halitusque* *discutientia*, & *Bilis* acrimoniam *temperantia*. Laudantur aque *Vitæ* compoſ. & *Olea* aromatica cum *Spiritu Vini* artiſcioſe unita. Imo *flatus* nihil æque diſcutit quam ipſe *Nitri ſpiritus*, additis *Spirituofis* aliis parva quantitate uſurpatus.

6°. *Pulſus vitia* ceſſant emendato ſanguine, aliisſque humoribus. Idem de *Urina*, &c. eſto iudicium.

7°. *Palpitatio* ceſſat, quoties acre aliquod, *Cor* vellicans *temperatur*, vel *flatus*, *halitusque* *discutiuntur*: quod præſtabunt pleraque jam laudata Medic. & præſertim quæ *Anxietati* præſcripſimus.

8°. *Sudor*, ſi ſudoriferis convenientibus non propellatur non diu eſt urgendus; ſed convenit ægrum *roborare* contra iſtantis mortis *Anxietates*, tum *Rationibus* ſolidis, tum *Spirituofis Aromaticis*, &c. ut Aq. Cinam. Borrag. Meliſſ. Conſect. Alkerm. Ambra Gryſea, Lapid. Bezoard. &c.

9°. *Hæmorrhagia*, quæ in Peſte, rariffimè *Critica* eſt, ſæpius ſymptomatica, ſtatim ſiſtenda eſt adſtringentibus, & vaſa conſolidantibus. Libet mixturam apponere, quæ in ſanguinis excretionibus ferè ſola ſufficere poteſt.

℞. Aq. Plantag. ℥ij.

Cinam. ʒvj.

Acet. ſtillat. ℥ß.

Corall. rubror.

Præparat. ʒß.

Sang. Dracon. ʒß.

Spir. Nitri gutt. vj.

Laud. opiat. gr. ij.

Syr. Myrtini ℥j.

Ms.

§ 49. Quarto. Inter Animales functiones læſas, obſervatur 1°. *Calor moleſtus* in interioribus. Calorem in corpore noſtro nihil magis minuit quam *Acidum*, quia Bilem, caloris cauſam infringit, ignemque exſtinguit. Poſſunt Acida, aliis aquis refrigerantibus admiſceri & formâ conveniente exhiberi. Præ omnibus plantis æſtum minuit *Sempervivum majus*, quod cum Plantag. Nymphææ, Acetolæ, &c. foliis decoctum, ſæpius exſpectatum habuit ſucceſſum in febribus ardentioribus. Formulam deſideranti exhibeo ſequen-

quentem, præscriptam ægro præ ardenti febre in Nosocomio publico præteritâ æstate decumbenti, summis ardoribus, & anxietatibus oppresso, cujus effectus cum ægrotantis commodo vidi notabiles:

℞. Rad. Plantag.

Acetos. an ℥j.

Fol. Semperv. Major. Mij.

Nympheæ Mj.

Sem. Milii ℥ij.

Aquileg. ℥ss.

Coquantur S. A. ex Aq. pura

in Colaturæ ℥xxx. dissolve

Syr. Jujubini ℥iij.

Aq. Cinamom. ℥j.

Ms.

Assumat æger interdum hujus decocti haustum mediocrem, cui admiscere potest guttam unam, atque alteram Spiritus Nitri, Salisve dulcis, ut internus ille æstus magis minuatur, tempereturque. *Acida* non possunt non prodesse; quamvis aliàs notandum sit, conducere *Emulsiones*, si æstus magis urat; *Acida* temperata, si calor sit magnus.

2°. *Dolor* capitis, & *Lumborum*, cum pendeat ab halitibus assurgentibus, mitigatur, si vitiosa in intestino, vel corde emendetur *Effervescentia* per *Opiata*, *Spirituosis*, flatusque *discutientibus* mixta. Capiti applicari possunt *Epithemata*, ex Aquis refrigerantibus, halitusque dissipantibus, ut Rosar. Plantag. Betonic. Verbenæ, &c. Vel Linimenta ex oleo Anethino, Rosar. Viol. Ung. Populeon. &c. non neglectis *Anodynis*, & *Opiatis*. Sublatis enim his molestiis plerumque simul tollitur *Inquietudo*, desinunt Convulsivi *Motus*, & *Mens* ad se redit.

3°. *Vigilias* perseverantes auferunt laudata *Epithemata*, vel *Opiata* quævis intrompita parva dosi, donec blandus subsequi videatur somnus. *Sopor*, curatu difficilis, interdum cedit *Objectis* sensum potenter afficientibus, inter quæ præstant *Acida*, veneno simul resistentia, ut Acetum acrius, &c. quæ naribus sæpius sunt applicanda, & removenda.

§. 50. *Quinto*. Inter externa signa *Bubonis* ratio habenda est, cujus Cura primum in eo versatur, ut veneno forâs expulso, tumor dif-

cutiatur. Conducunt omnia Sudorifera, & in specie Antim. Diaph. Ocul. Canc. &c. quæ egregie quoque Acrimoniam temperant. Externè laudantur *Cataplasmata*, ex Resolventibus parata, quæ plus efficiunt, si iis admisceatur, Theriaca, Mithridat. vel nigrum Oleum C. C. vel foetens ex Tartaro, vel Balsamus Succini, in Olei destillatione ultimò assurgens. Recentiores nonnulli, improbantes Veterum Scarificationes, & Cucurbitulas, statim Buboni *Vesicatorium* applicant, post cujus operationem sufficientem imponunt *Solas Cæpas* sub cineribus affatas, cum pauxillo Theriacæ, vel *Emplastrum Divinum*, vel *Magneticum Arsenicale*, quod præ cæteris foras elicit venenum. Difficulus ad perfectam suppurationem deducitur Bubo Pestilens, propter summam *Salis Acrimoniam*, quæ plerumque mutationem sanguinis in Pus retardat, cum in legitima suppuratione *Acidum* videatur magis prædominari. Si vero non satis commode educatur quod noxium est, cavendum ne nimis citò *consolidetur* ulcus; sed præstat diutius *mundantia* adhibere, quæ commodam simul inducunt *consolidationem*; inter quæ excellit *Balsamus*, ex Sulphuris floribus, cum Oleo Thereb. Succini Anisive, &c. paratus, & ulceri cum Oleo Hypericonis, Myrrhâ, &c. instillandus.

2°. Simili fere modo curantur *Anthraces*; quibus statim applicari potest Emplastrum *Diachylon*, laudatum *Arsenicale*, vel *Pulticula*, à Cl. *Diemerbroeck*, valdè commendata, quæ Carbunculum egregiè separat ejusque Curationem per *Mundantia* & *Consolidantia* absolvendam festinat. Cum vero *Anthrax* in partes vicinas serpendo, non rarò faciem defœdet, Oculosque erodat, sedulò cavendum ut *sistatur* proserpens mortificatio. In quo casu miraberis successum, si *Anthraxis* apici illinas *Butyrum Antimonii*; statim enim sistetur venenum, & caro mortua à viva secedet. Quod non immeritò quidam recensent inter Gangrænæ remedia secretiora.

3°. *Macula* vix specialem requirunt curam, cum rarius soleant per sudorifera evanescere, frequentius instantem annunciare morrem. Si vero acrem excitent dolorem, adhiberi possunt *Fotus*, ex Vino, Aceto, Myrrha, Camphora, Mastiche, Theriaca, &c. quales conducunt in omnibus pustulis exulceratis.

§. 51. Tantum è Re nostra fore existimabam, ut, quantum licitum erat manui minus exercitatæ, suis depingeretur coloribus hic Affectus atrocissimus vitæ humanæ Insidiator, cujus horrendi effectus licet hæcte-

hactenus fatis innotuerint omnibus, in occulto tamen delituerunt arma, quibus aggredi, & prosternere solet etiam fortissimos. Rationes, quæ pro nostra militans sententia, unicuique relinquo expendendas, ut constet, an probum in fronte hujus Disputationis tulerim judicium de Sale volatili, & acri in Peste peccante. Optimum vero remedium, quo triste illud malum præveniri potest, est vita ad normam divinæ Voluntatis piè, & sincerè instituta, ne irritetur summi Numinis ira, quæ lento quidem gradu procedit ad vindictam sui, tarditatem vero compensat gravitate supplicii.

F I N I S.



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
U.S.A.
TEL. 773-936-5000
FAX 773-936-5001
WWW.CHICAGO.EDU

U.S.A.

